

The Umarel rap

*Mo' l'è un piaser, mo' cum a l'è bel
A Fer la veta ed l' umarel!!*

Am dèv alver prest a la mateina
Perché stèr a leet am fa mel la scheina
E a fagh anch in prescia a fér la cazioun
Perché stamateina al teimp al pèer boun...
E a g'ho da andeer la' in dal canter
Indove i lavoren i murador
Tôt i lavor in deven menga tacher
Seinza che me a sia le' a guarder!

*Mo' l'è un piaser, mo' cum a l'è bel
A feer al mistèer ed l' umarel!*

A riiva nov'or e perciò l'è normel
C'a vaga in edicola a cumpre al giornel.
Poh a vagh al parcat e edcoo a la pancheina
Am mat a lezer al giornel d' la mateina.
Am mat i ucèe e a tach a zercher
Tot qual che in dal mond l' e succées aier

*Mo' cum am pies ,mo' cuma l'è bel
Guarder toot al mond da umarel!!!*

E a voj anch vader chi è mort aier
Se a cgnios queich' idun mè al voj saver
Però quant' am capita am tacch i cajoun
Perché mè ag sun incàra, l'è una soddisfazioun!!!"
Però a g'ho da ander al funeral,
L'è al sacher edver dal boun umarel!!!!

*Mo' l'è un piaser, mo' cuma l'è bel
Al mee mistèr da umarel*

Mo' l'è bele mezde' e a g'ho da ander a magn'er
An g'ho menga piò al teimp ed finir al giornel,
A ca' i me speten coi macaroun
E se i ein frad in n'ein menga pio' boun.

*Mo' l'è un piaser, mo' cum a l'è bel
Mé a sun al prototipo ed l' umarel!!*

E al dapmezde' ecco la pennica!
Am togh al mee teimp per una sosta tecnica
A i ho lavurèe toota mateina
Am voi arpunser fin a l'ora ed la zeina.
Perché anch incoo, e anch come aier,
A i ho faat fin in fonda al me bel mistèer.
E fin a quant a gh'avro' boun al zervel
Me a srò seimper un brev umarel.

*Mo' cum am pies, mo' cuma l'è bel
Baler al Rap ed l' umarel!!!*